

# RUWASA inavyomaliza shida ya maji Songea

Na Albano Midelo

**W**ILAYA ya Songea, mkoani Ruwama inatarajia kutumia zaidi ya Sh bilioni 5.799 kutekeleza miradi nane ya maji katika kipindi cha mwaka 2020/2021 katika halmashauri tatu zinazounda wilaya hiyo ambazo ni Manispaa ya Songea, Halmashauri ya Madaba na Halmashauri ya Songea.

Meneja Wakala wa Maji na Usafi wa Mazingira Vijijini (Ruwasa) wilayani Songea, Mathias Charles, anasema hadi kufikia Januari mwaka huu Ruwasa wilayani Songea imepokea zaidi ya Sh milioni 877 sawa na asilimia 15.12 ya bajeti iliyopangwa.

"Hadi kufikia Januari 2021 wakazi wanaopata huduma ya maji wilaya ya Songea wanakadiriwa kuwa 132,362 sawa na asilimia 63.4 ya wakazi wote", anasema Charles.

Hata hivyo anabainisha kuwa hadi sasa mamlaka hiyo imetumia zaidi ya Sh bilioni tatu kutekeleza miradi tisa ya maji katika wilaya hiyo na kwamba Ruwasa inaendelea na kazi ya uboreshaji wa huduma ya upatikanaji wa maji kwa kujenga miradi mipya.

Kulingana na Meneja huyo, Ruwasa inaendelea kukarabati miradi iliyokuwa imechaka na kuboresha usimamizi wa miradi ya maji iliyokamilika ili iwe endelevu kwa kuunda na kusajili Jumuiya za Watumiaji Maji (CBWSOs) ambazo zitakuwa zinasimamia miradi hiyo na kuhakikisha inatoa huduma wakati wote.

Charles anasema katika kipindi cha mwaka 2019/2020 Ruwasa wilayani Songea ilipanga kuunda na kusajili jumuiya za watumiaji maji 17 ambapo hadi kufikia Juni 2020 jumuiya 10 zilikuwa zimeundwa na kusajiliwa.

Hata hivyo anasema kwa mwaka wa fedha 2020/2021 jumuiya za watumiaji 28 zilipangwa kuundwa na kusajiliwa ambapo hadi kufikia Januari 2021 jumuiya 11 zimeundwa.

Anaitaja miradi ya maji iliyopangwa kutekelezwa

katika Halmashauri ya Madaba kupitia P4R kuwa ni Ndeleyuma, Lutukira na Mbangamawe, kupitia PBR4 mradi mmoja wa maji katika kijiji cha Igawisenga unatarajia kutekelezwa.

Kwa mujibu wa Meneja huyo, katika Halmashauri ya Songea Vijijini kupitia P4R miradi ya maji inatarajia kutekelezwa katika vijiji vya Lipaya, Lundusi na Maposeni.

Kupitia PBR4 mradi mmoja wa maji unatarajia kutekelezwa katika kijiji cha Ndongosi na mradi mmoja unatarajia kutekelezwa Ndilimalitembo, Manispaa ya Songea.

Anasema Ruwawilayani humo imepanga kukamilishwa la jili za maji ifika Juni 30 mwaka huu na

kwamba Ruwasa imejipanga kuendelea kutoa elimu juu ya utunzaji vyanzo vya maji na elimu kuhusu umuhimu wa ulipaji wa huduma ya maji ili kuifanya miradi iwe endelevu.

Akizungumzia Ruwasa inavyotekeleza mradi wa maji wa Sh bilioni 1.03 katika Halmashauri ya Madaba kwenye vijiji vinne vya Mtepa, Kipingo, Lituta na Madaba,

Charles anasema mradi umekamilika kwa zaidi ya asilimia 90 na tayari wa-


wananchi.

Hata hivyo anasema ili kukamilisha tanga moja la Madaba Pachani zinasubiriwa pampu za kusukumia maji ambazo zitafungwa wakati wowote kuanzia sasa na kwamba mradi huo ni mkubwa umehusisha ujenzi wa matangi mawili na ulazaji wa mabomba kilometa 34.

"Wananchi wameanza kupata maji, tunatarajia maeneo mengine yaliyobakia hadi mwishoni mwa mwezi Januari hii wataanza kupata huduma ya maji, tunamshukuru Rais kwa kutupatia fedha zilizotekeleza mradi huu hivyo kuondoa kero ya maji kwa wananchi", anasema Charles.

Diwani wa Lituta katika Halmashauri ya Madaba, Olaph Pili, anasema kabla ya kutekeleza mradi huu, Madaba ilikuwa na changamoto kubwa ya maji ambapo amesema mradi huu wa maji umekuwa mkombozi mkubwa katika kata yake.

"Hali ya maji katika Halmashauri yetu ya Madaba hasa katika Kata ya Lituta ilikuwa ni tete, wananchi



Mradi wa maji Kijiji cha Lituta, Halmashauri ya Madaba uliogharamu zaidi ya Sh bilioni 1.03.



Diwani wa Kata ya Lituta Olaph Pili akifungua maji ya bomba katika Shule ya Sekondari Madaba yaliyoanza kutoka Januari 18 na kumaliza kero ya maji katika sekondari hiyo.

walikuwa wanapata shida ya maji, lakini baada ya mradi huu sasa Madaba haitakuwa na shida tena ya maji, tuna maji ya kutosha", alisisitiza diwani huyo.

Diwani Pili anasisitiza kuwa tayari maji yapo kwa wananchi wa Lituta na kwamba wanafunzi wa sekondari ya Madaba sasa wanafuraha kubwa baada ya kupata maji ya bomba hivyo kumaliza kero ya maji ya muda mrefu.

Kwa upande wake Mwenyekiti wa Jumuiya ya Watumiaji Maji vijiji vine vya Mtepa, Kipingo, Lituta na Madaba, Modestus Mgina, anaipongeza Ruwasa kwa kukamilisha ujenzi wa mradi huo na sasa wananchi wameanza kupata maji.

Anasema mradi huo utawanufaisha wananchi zaidi ya 19,000. Anasema hali ya maji kabla ya kutekeleza mradi huo ilikuwa ni mbaya kwani wananchi walikuwa wanapata maji ya mgawo kati ya siku tatu hadi tano.

"Maji yalikuwa yanapatikana kwa vurugu na ugomvi mkubwa, ilikuwa ni vita ya maji, lakini sasa mradi